

NAQQIUT

Allannguutissatut siunnersuut apriliip 30-iani 2020-imi ullulerneqartoq taarserpaa
(Teknikkikkut aaqqiinerit pillugit naqqiisoqarpoq)

Allannguutissatut siunnersuut

Uunga

**Uunga siunnersuut: Piniarneq aallaaniarnerlu pillugit Inatsisartut inatsisaat nr. xx,
xx.xxx 2020**

Aappassaaneernejarnissaanut Naalakkersuisunit saqqummiunneqartoq.

§ 3-mi,

1. § 3, nr. 7 imatut oqaasertalernejassaaq:

"7) "Inuiaqatigiinnut kalaallinut aalajangersimasumik attuumassuteqartut"-nut: Inuk kinaluunniit ukiumi ullorsiuteqarfiusumi qaammatit arfinillit sinnerlugit Kalaallit Nunaanniittoq, Kalaallit Nunaannut akileraartussaataavoq kiisalu Kalaallit Nunaanni aalajangersimasumik najugaqarluni."

§ 7-imi

2. § 7, nr. 4 imatut oqaasertalernejassaaq:

"4) pineqartoq nunap immikkoortuani ingerlatsiviusumi inuuniutigalugu piniarnermini aallaaniarnerminilu piniarnermut aallaaniarnermullu atortulersuutinik pisariaqartunik pigisaqassasoq, angallat ilanngullugu, aamma".

§ 10-mi

3. § 10, nr. 4-p kingorna nutaatut nr. 5 ilanngunneqassaaq:

"5) § 7-imi, nr. 4, inunnut 18-init inorlugit ukiulinnut piniarnermut aallaaniarnermullu atortulersuutinik pisariaqartunik periarfissaqartunut."

§ 13-imi

4. § 13, imm. 6-ip kingorna nutaatut imm. 7 ilanngunneqassaaq:

"Imm. 7. Uumasunut pisassiissutitalinnut akuersissut aamma inuussutissarsiutigalugu piniarnermut akuersissut, imm. 1 naapertorlugu piumasaaqateqarfiusinnaavoq, inuk pineqartoq akuersissummik tunniussisoqarnissaa sioqqullugu nunap immikkoortuani ingerlatsiviusumi qinnuteqarfigineqartumi minnerpaamik qaammatini pingasuni najugaqarsimanerminut uppernarsaasiisimassasoq."

§ 30-mi

5. § 30, imm. 5 imatut oqaasertalerneqassaaq:

“ *Imm. 5.* Uumasut akornutaasut qimaasaarnissaannut toqunneqarnissaannullu atugassarititaasut pillugit maleruagassanik Naalakkersuisut saqqummiussisinnaapput, matumani inuup inuuneranik, peqqissusianik pigisaanillu, nunap immikkoortuani killilinnik sunnertiasunillu pisuussutinik, pisortat pigisaannik kiisalu angallannikkut attaveqaatitigullu pissutsinik qularnaarinissaq siunertarineqarpat.”

Allannguutissatut siunnersuummut nassuiaatit

Nassuiaatit nalinginnaasut

Siunnersuut una ulloq 4. oktober 2019-imi siullermeerneqarpoq aamma Aalisarnermut, Piniarnermut Nunalerinermullu Ataatsimiititaliamut suliarineqartussanngorlugu innersuunneqarpoq. Aalisarnermut, Piniarnermut Nunalerinermullu Ataatsimiititaliap allakkatigut 11. november 2019-imeersukkut Naalakkersuisut qinnuigivai siunnersuut Piniarnermut Siunnersuisoqatigiinnut tusarniaassutigalugu nassiuunneqassasoq. Piniarnermut Siunnersuisoqatigiit tusarniaavigineqarnerat tunngavigalugu aalajangersakkat arlallit Piniarnermut Siunnersuisoqatigiinnit oqaaseqaatit naapertorlugit allannguiviginissaannut pissutissaqartitsilersimavoq.

Allannguutissatut siunnersuummi aalajangersakkanut ataasiakkaanut nassuiaatit

Nr. 1-imut

Kalaallit Nunaanni inuiaqatigiinnut aalajangersimasumik attuumassuteqarnermut oqaasertaliunneqartoq tassaavoq, ukiup ullorsiutaani qaammatinit arfinilinnit sivisunerusumik Kalaallit Nunaanniissimaguni, Kalaallit Nunaannut akileraartussaataalluni kiisalu Kalaallit Nunaanni aalajangersimasumik najugaqartutut inuit allattorsimaffianiilluni. Qaammatinik arfinilinnit sivisunerusumik piffissami 1. januarimiit 31. december ilanngullugu, nunamiinnissamik piumasaqaat eqquutsinneqarsimassaaq. Kalaallit Nunaanni aalajangersimasumik najugaqaraanni Kalaallit Nunaannut akileraartussaataasoqartarpoq, tassa imaappoq, Kalaallit Nunaanni najugaqarluni inuit allattorsimaffiannut nalunaarsorneqarsimaneq.

Nr. 2-mut

Aalajangersagaq atorlugu piumasaqaataalissaaq, inuit nunap immikkoortuani ingerlatsiviusumi inuuniutigalugu piniartuuniarunik piniarnermut aallaaniarnermullu atortulersuutinik pisariaqartunik tassani pigisaqassasut aamma nunap immikkoortuani ingerlatsiviusumi angallat inuuniutiginiagaq ilanngullugu.

Nr. 3-mut

Inuit 18-init inorlugit ukioqaraangata, nunap immikkoortuani ingerlatsiviusumi atortulersuutinik pisariaqartunik pigisaqanngikkaangata § 7-imi, nr. 4-mit immikkut akuersissuteqarmissamut aalajangersagaq periarfissiivoq. Piniarnermik

inuussutissarsiteqarneq siuarsarniarlugu aamma inuusuttunut ingerlatserusuttunut pisariaqanngitsumik aporfilersuinnginnissaq qulakkeerniarlugu aalajangersagaq pilersinneqarpoq. Taamaasilluni inuusuttut ikiuussinnaaneranngit aamma ilaatigut ilaqqutaminnit inuussutissarsiummik ilinniartinneqarsinnaanerannut aalajangersagaq periarfissii voq.

Nr. 4-mut

Aalajangersagaq taanna atorlugu Naalakkersuisunit piunasaqaatigineqarsinnaavoq, inuk pineqartoq akuersissummik tunniussisoqarnissaa sioqqullugu kommunimi pineqartumi aamma nunap immikkoortuani ingerlatsiviusumi minnerpaamik qaammatini pingasuni aalajangersimasumik najugaqarsimassasoq. Aalajangersakkakut qulakkeerniarneqarpoq, uumasunik pisassiissutaasunik piffissami piniarfiusumi inuit sumiiffinnut utaqqiisaasumik nuuttannginnissaat.

Nr. 5-imut

Uumasunik akornutaasunik, inuit inuuneri, peqqissusii pigisai, nunami immikkoortumi pisuussutit killeqartut sunnertiasullu, pisortat pigisaat kiisalu angallannikkut attaveqaateqarniarnikkullu pissutsit illersorniarnanngit tamanna pisimappat, qimaasaarinnermut toqutsinnermulluunniit ersarinnerusunik maleruagassanik aalajangersaanissamut Naalakkersuisut tunngavissaannik aalajangersagaq pilersitsivoq. Malittarisassat taakku nalinginnaasumik nalunaarutit aqqutigalugit aalajangersaavigineqassapput. Aalajangersagaq una atorlugu Naalakkersuisut ilaatigut periarfissaqarput, sumiiffinni uumasooqarfiusuni imaluunniit allatigut najugaqarfiup neqitigut pilersorneqarneranngit immikkut iluaqutigineqarsinnaappata uumasut akornutaasut qimaasaarnissaat toqunneqarnissaallu pillugu ersarinnerusumik malittarisassanik aalajangersaanissaminnut.